

دار الفنون

خبر فافا و لیترا محمدی

حقوق اقتصادیات

ابلی آمدہ بر سر اول نور

من رحات

قسم مغربی :

قضا صلاحیتک شخص وموقع اعتباریلہ تابع اولدیفی تحدیدات [جیل]
امور عدلیہ ده مدعی عمومیلرک وظائفی [رشید]
آلمان تشکیل محاکم و اصول محاکمہ جزائیه قانونلرنده ومحکمہ تمیزلری [وصفی راشد]

قسم اقتصادی :

بورسہ [فاضل]

وثنائے قسمی :

مجله انجمنك كتاب الاجارميه عائده تدقيقاتى [ختام]
تعديل قوانين قوميسيونلرى تشكيل ايدن هيتلرك اساميسى
واجبات قوميسيونى ضبطنامه لرى
حقوق مؤسسه سى تاريخى [ماردىنى زاده ابوالعلا]

استانول — مطبعة طامره.

۱۳۴۰ - ۱۳۴۲

قضا صلاحیتک شخص و موقع اعتباریله تابع اولدینی تمهیدات

صوك كونلرده استابولده وقوعه كان ايكي حاشه نظرلری دیپلوماسی امتیازات و معافیتلری قارشیسنده قضائی صلاحیت مسئلهنه جلب ایتدی :

۱ آمریکا مملکته منسوب بر بحریه لی چاوش تورک تبعه سندن برینی رووه لورله جرح ایتدی . چاوش دردست و توقیف اولندی . آمریکا مثلی چاوشك ، سقورپیون کیسنه منسوب بر بحریه لی اولمق و سفارت خدمتنده بولمق اعتباریله تخایه سنی ایتدی .
۲ دیگر مملکته منسوب بر راهب توندن چیقارکن بر تورک خانمی طرفندن دوچار تعدی اولان کریمه سنی التزاماً کویا خانمه تجاوزات لسانیه ده بولمیش . تورک خانمی محکمه ده دعوا اقامه ایتدی . راهبک اقامتگاهنه جلب مذکره سی براقلدی و غیاباً محاکمه سی اجرا ایدلدی . مملک راهبک سفارت مأمورلرندن اولمق و دیپلوماسی امتیازات و معافیتندن مستفید بولمق اعتباریله علیهنده تعقیبات اجرا سنک جائز اولامایه جغنی در میان ایتدی .

* *

ملکی حاکمیت سئلردن و حتی عصرلردن بری ، اجنبیلره تعلقنده تابع اولدینی محدودلردن له الحمد قورتولمیش اولدینی جهتله محکمه لر مذك قضا صلاحیتلرینی طوپراقلر مزده بولان هر فرد و هر شی اوزرنده مطلق صورتده استعمال ایتلمی استقلالک طیبی بر نتیجه سی اولغله برابر بوصلاحیت جهانک هریرنده حقوق دولده طائمش دیپلوماسی امتیاز و معافیتلریله تحدید ایدلمش اولدیغندن حاکم و محکمه لر مذكده قضا صلاحیتلری بالطبع بو جهتده مقید اولمق ایجاب ایدر . لوزان معاهده سی برنجی ماده سنده « طرفین طوپراقلری داخلنده سیاسی و شهپندری مأمورلرینک حقوق دول اساسات عمومیه سیله تعیین ایدلمش اولان معامله یه مظهر اولاجقلرینی تعیین ایدیور . لوزان معاهده سنک هنوز مرعیت موقعنه وضع اولنمادینی اعتراض مقابنده سردایدیله مز . دیپلوماسی امتیاز و معافیتلرندن استفاده بر معاهده ابله تأیید و تأمیندن مستغنی بولنه جق قدر قطعی و عمومی تعاملی بر ماهیتی حائزدر . صرف دیپلوماسی مناسبترلر کیریشمک و دیپلوماسی مأمورلری قبول اتمک یو احکامه مراعاتی استلزام ایدر . بوسیله ایکی حادته حقنده حکمیزی بیان ایده بیلیمک ایچون دیپلوماسی امتیاز و معافیتلری قارشیسنده صلاحیت عدلیه مسئله سنی اطرافیه ندقیقه لزوم کورپورز .

باخصوص کہ دولتک بوامتياز و معافيتلردن صورت است۔ استفادہ لری مختلف فیہ اولان اشخاص حقندہ شعاری و قونس۔ لوسلق مقاولہ لری هنوز عقد ایدلمش بولندیجی جہتلہ شہندری مأمورلرینک بولردن نہ نسبتدہ استفادہ ایلہ بیلہ جککری، امرندہ کی نقطہ نظری تعین ایتہ مش اولدیجی کی بوبادہ هنوز امثال عدلیہ مزیدہ اولمادیغندن مسئلہ نک تدقیقندہ دہا زیادہ اہمیت واردر ۔

قضا صلاحیتی جزائی و حقوقی تحدیدلرہ تابع اولدیغندن اولاً برنجی جہتی وایکنجی بر مقالہ دہ حقوقی جہتی تتبع ایدہ جککز ۔

..

جزا صلاحیتک تابع بولندیجی تحدیدلر

جزا صلاحیتک تابع اولدیجی تحدیدلر بختی ایکی جہتی احتوا ایدہ جککدر :

- ۱ شخص اعتباریہ تحدیدلر ،
- ۲ موقع اعتباریہ تحدیدلر ۔

برنجی جہت [آ] شخصک اجنبی بردولت ایلاجیسی ویا سفارت ویا قونسولوسخانہ مأموری بولنسی [ب] اجنبی بردولت رئیس اولسی، [ج] اجنبی بردولت اردو ویا دولتماسنہ منسوب بولنسی وایکنجی جہت [آ] جرمک سفارتخانہ ویا قونسولوسخانہ درونندہ ارتکاب ایدلمش اولسی، [ب] بین الملل بر مشہرک اجنبی بر ملت تجارینہ تخصیص ایدلمش شعبہ سندنہ ، [ج] اجنبی بر دولت بحری ویا ہوائی سفینہ سندنہ ، [ھ] اجنبی اردولری طرفندن استیلا ویا اشغال ایدلمش اراضیدہ ارتکاب ایدلمش بولنسی احتمالرینہ کورہ تدقیقاتی استلزام ایدر۔

جزا صلاحیتک بولردن غیری تحدیدلری یوق دککدر ۔ مثلاً اصول محاکمات جزائیہ منک بشنجی ویدنجی مادہ لرینہ کورہ شخصک تابعیتی وجرمک موقعی اعتباریہ دہ محکمہ لرمزک جزا صلاحیتی تحدیدہ تابعدر ۔ فقط بز مسئلہ یی ملی قانونہ کورہ دکل بین الملل حقوق اعتباریہ ویا لککز دیپلومامی امتیاز و معافیتلردن استفادہ ایدن شخص و موقعلرہ تعلق مناسبتیہ تدقیق ایلہ بیلہ جککمز ایچون بولر خارجہ کی تحدیدلر ایلہ مشغول اولمایاجفز ۔

شخص اعتباریله جزا صلاحیتده تحدیدلر

بر مملکتده بولان اشخاص و اشیا نك كافه سی اوزرنده او مملکت جزائی قانونلری احکام نك جاری اولماسی مالکی حاکمیتك ضروری ایجابلوندندر . فقط بین الملل مناسبتلر مبادیسی تاریخك القدیم زمانلرینه قدر کیدن بر استثنائی بوخه و صده ضروری قیلمشلردر . بو استثنا بو مناسبتلره واسطه اولان ویا آنلره تعلقی بولونان کیمسه لر حقنده جاریدر و بو خصوصده حقوق دول احکامی ، خطوط عمومیه سنده ، همان بوتون مدنی دولتلرک تعامللرله ، مختلف محکمه لرک قرار و اجتهادلرله مؤلفلردن چوغنك یکنسق رأی و مطالعه لری ایله عملی و نظری اولارق مستقر و جهانشمول قواعد تثبیت ایله مشدر . او قدرکه بونلر اك شدتلی جزالره تأیید ایدلمش قانونلر احکامندن فضله بر قوتله مؤمندر .

بعض ایतालین و بلجیقا مؤلفلری بوامتیازلری معاصر حقوق دولده بر کهه لك و خلاف عاده لك عد ایدیلرلر و علمده خطا و تطبیقاتده سوء استعمال منبعی کوستریورلر ایسه ده ، بوتون امتیازلری الغا ایتمش اولان فرانسه انقلاب کیرینك بوامتیازلرک اوکنده کیریه مش و نهایت تأییدینه مجبور اولمش اولماسی ، ناپولیونك ده نهایت بونلر اوکنده سرفرو ایتمش بولماسی قوت و اهمیتلرینه کافی دلیل تشکیل ایدر .

۱- **استثنائك صلمتی** — تاریخی تدقیقات کوستریورکه دیپلوماسی امتیاز و معافیتلری اك ابتدائی زمانلرده واك ابتدائی ملتلر نزدنده بيله مظهر رعایت اولمش ایدی . پروقوپک دیدیکی کبی « تاریخلر دیپلوماسینك همان قدسی بر ماهیتی حائز اولان مصونیتیه رعایتکار اولمایاجق قدر وحشی بر ملتك موجودیتنی قید ایتمه مکده درلر . » لوتره حال حربده بولنان وحشی قبیله لرک بيله دشمن ایاجیلرینك شخصلرینه مصونیت تأمین ایتدکلرینی قید ایدیلر . بوسبيله درکه ده - ا حقوق دولك موجود اولمادینی دورلرده اجنبی سفیرلری حمایه صمدانیه ده عد اولنه رق رعایتیه نائل اولورلردی .

قدیم یونان و روما جمهوریتلری ایلچیلرک صفتی ایچون بسله ن حرمت و رعایت حسنك يك چوق شواهدینی بر اقمشلردر . روماده بر اجنبی ملت ایلچیسینه قارشی جرم ارتکاب ایدن کیمسه صفی نه اولورسه اولسون ایاجیسنك نفسنده تجاوزده دوچار اولمش اولان

ملکہ برای انتقام تسلیم اولنوردی . دیپلوماسی مصونیتی بودورده دشمنلرہ قارشی بیله
ایفاسنه اہتمام ایدلمسی لازم کن قدسی برماہیتی حائرعداولنور آ کا تجاوزدن قورقولوردی [۱]
بودورلرہ ایلیچیلرہ تجاوز وقع اولماش دکلدی . لکن بو قدیم دورده قاعدہ
ایلیچیلک قدسی ایدی و بوکا تجاوز وقوعی دائما ک شدتلی جزالرہ تابع طوتولان
بر استقام ایدی .

بو قدیم قاعدہ وسطائی قرنلرک عتف و خوشنلتہ اولودورلرینی کچرک معاصر حیاتک
مستقر بر اساسی اولدی . برادیہ فودرہ مدینت و وحشتک اوقدر فوق العادہ عجیب بر
اختلاطی عرض ایدن مثلا اون آلتیجی عصرده قانونی موضوعاتک و تعاملاتک دیپلوماسی
وظائفہ بحس ایتدیکی شایان حیرت اعتبار و حرمتی روما حقوقک تأثیرینہ عتف ایدیور
ورویہ دہانیہ ندی رلوتہر ایله برابر قرآنک ایلک اساسلرندن بریسنک ایلیچیلری مقدس
و غیرقابل تعرض عد ایتمکده اولدیغنی فقط بوکا رغماً باب عالیجہ بونلرک طول مدت
هنکام صاحبہ مساحہ ایله معاملہ کورن جاسوس و هنکام حربیدہ یدی قلدہ حبس ایدیان
بر رهنہ عد ایدلدیکنی ذکر ایلپور [۲]

استرا بواستازلری، تاریخک تدقیقات و مشاہدہ سندہ ، بوصورتلہ حادثاتک ضروری
بر نتیجہ سی اولمق اوزرہ تثبیت ایتدیکی کبی عقل و منطق دہ بونک ا- باب نظریہ سنی مؤلفلرک
اثرلرندہ مختلف صورتلرہ توضیح و فادہ ایلدشدہ :

۱ قضائی معافیت استقلالک مقتضاسیدر . برملت اوزرنده استقلالی حسیلہ آ کا مساوی
و معادل دیگر برملنک ولایتی جریان ایدہ میہ جکندن دیگر بر ملت زرنده آنی تمثیل ایدن
اشخاصک دہ محلی حاکمیتک اوصافندن ، اولان تضاحقنہ تابع اولاماسی لازم کلیر .

لکن بونی مثل ایله دولتی عینہ شدیرمک صورتیلہ آ کلامق بالذات دولنک دہ کمندی
مثلی حقنہ جزا ترتیب ایدہ بیامسنہ امکان برافایاجنی جہتلہ طوغرو اولمادیغنی کبی جزائیونندن
غارونک بایدیغنی کبی برملنک دیگرینہ و بالتیجہ نمثانہ قارشی جزا حق دکل مدافعہ حق
موجود اولمق صورتیلہ ابضاح ایتمکده دخی بجئی اغلاق واردر .

۲ قضا معافیتی بین الملل مناسبترده بالذات وظیفہ نک لایقیلہ و استقلال ایله شرط

[۱] تثبیت حقوق دول ۱۹۱۴ جلد ۲ صفحہ ۳۹

[۲] دیپلوماسی حقوقی درسری ۱۸۹۹ جلد ۲ صفحہ ۲

ایفا سیدر. پینہر روفہر رارانک دیدیکی کبی حربک فلا کتیرینہ نہایت ویرمک کبی مهم بر
وظیفہ ایله ویا آندن دها آز مهم اولیان ایکی دولت آراسندہ صاحی محافظہ ایله ملک کبی
برامر معنا ایله مکلف بولنان ایاجی البتہ حربک دوامندہ ویا ایکی دولت آراسندہ جاری
حسن مناصباتک اخلااندہ منفعتدار اولانلرک حیلہ و دیسیہ لرینہ معروض اولاجقدرد. بوندن
ماعدا هر مملکتدہ عمومیتله بوتون اجیلر علمندہ فقط بالخاصہ کوندہ رلدگری مملکت
ضررینہ چالشمق ایچون صاتمیش مأمورلر اولق اوزرہ تلقی ایدیلن سفارت هیئتلری علمندہ
بولنان کیمسہ لر واردرد... بونلرک تام بر امنیت و شخصی حریت اولقمسزین وظیفہ لرینک
غایہ سنہ واصل اولایلملری ممکن دکلدر. اخذنار ایچون هر زمان علم لرینہ تعقیبات اجر
ایتدیر یله بیلیر.

فی الحقیقہ بر مملکتدہ احبب دولتی تمثیل ایدن کیمسہ، اورادہ عندالاقضا توقیف ایدیلہ بیلیر،
محاکمہ و محکوم اولنہ بیلیر سہ کندیسنه مودوع اولان وظیفہ مهمہ بی دولتک آرزو ایتدیکی
دائرہ دہ ایفا ایلیہ من.

وقتیله ما کدونیا قرالی آتہ جمهوریتی ایلچیسینی اولوم ایله تهدید ایلش ایدی. ایاجی
ذاتاً معروض فنا بر جسد یرینہ وطنک کندیسنه لایموت بر تمثال شرف بخش ایلیہ جکی جواب
جسورانه سنی ویرمش ایدی. هرکس حیاتی وطنی منافع اوغورندہ بویله استحقار ایدہ حک
قدر متین وجسور اولاماز و بوحالده اجنبی دولته قارشی مملکتک منافعی ایجاب ایدن
حریت و قطعیتله مدافعہ اولنہ ماز. غروچیوسک دیدیکی کبی ایاجیلرک امتیازلرینہ رعایتک
تأمین ایتدیکی منافع جرائمک جزالاندرلمسندن مقصود اولان فوائدن دها زیادہ حائز اهمیتدر.

معافیتک حکمتی مقابل فراغتدر. محلی حاکمیت کندی ایاجیلری ایچونده
عین امتیازلری الدہ ایتمک، و بونلرک حیثیت و اعتبارینہ تجاوز وقوعی منع ایتمک و استقلال
ایله ایفای وظیفہ ایلیہ بیللملریخی تأمین ایله ملک مقصدیله کندی امتیازلرینک بر قسمندن متقابلاً
فراغت ایتمشدر. بو فراغت دولتلر آراسندہ ضمنی بر مقاولہ حکمندہ در. ایاجی بی قبول ایدن
دولت ایله اعزام ایدن دولت آراسندہ اعزام و قبول ایله صانکه بر مقاولہ عقد ایدلمش
و ایاجینک معافیتلری بو صورتله ضمنی بر عقد ایله تقبل اولمشدر. حاکم مارشالک بر
حکمندہ «معافیت حتی ایاجی نزدینہ کوندربان دولت حکومتجه بخش ایدلمشدر»
دستوریلہ افادہ ایدلمش اولان شی بو-ر.

دولت بوضعی فراغتدن دیگر دولتک هر هائی بر عدم مراعاتی بهانه ایدرک هر زمان عدول ایدیه بیلجکته بناءً بوضورت تشریعک صلاحیتسلطی ایلری سورولمش ایسه ده بوفراغت عمومی برتعامل دولی ماهیتی اخذایتمش اولق اعتباریه حکم وقوتی الک صریح معاهده لک کندن دون دکل افزوندر و آندن عدول آرتق ممکن دکلدرد .

۴ ملت لک شرف و حیثیتی کندی مملکترین قارشی محلی قضادن معافیتی متقابلاً استلزام ایتمشدر . هر ملت کندیسی تمثیل ایدنلر حقنده یایلاجق معاملیه قارشی پک حساس اولدیغندن بونلرک توقیف و محاکمه اولنه بیللملری ملت لری نك حساسیتی تحریک ایدیه جک و هیچ اولماز ایسه ظاهراً اولسون حیثیت ملییهی اخلال ایدیه جکدر . بونک نتیجه سی آرده کی مناسباتک انقطاعیدر . غروچيوسک بالاده کی افاده سنه کوره جزالاندر مقدر حاصل اولاجق فائده بوقدر عظیم و وخیم بر ضرری تعویض ایدیه جک ماهیتده دکلدرد .

۵ ایلچینک مقدس اولق ماهیتی معافیتک سببیدر . بو ملاحظه یی رد ایچون بوکون سوز سویله مک بیلج محل یوقدر . آرتق نه دولت رییس لری ایچون نه ده مملک لری ایچون مقدس لک تصور اولنه ماز . خلق اداره لرنده بویله برقدستی آغزه بیلج آلمق خلق حقوقه و ده موقراسی اساسلرینه تجاوزدر .

۶ معافیت بین الملل آداب و تراکت ایجابیدر . بونک محذوری شودرکه مناسی تراکت دولیه اولان بر معافیتده محلی حاکمیتی حقوق و امتیازاتندن بعضیسی ترکه اجبار ایدن ملجی و قطعی ماهیت اولماز . حالوکه فراغت اختیاری و تراکتکاری بر معامله دکل عملی احتیاج لک قطعی بر نتیجه سیدر .

۷ خارج - از مملکت [۱] فرضیه سی . قدیم مؤلف لردن چوغنک متکاسی اولان بو خارج - از مملکت نظریه - سنک یعنی ایلچینک ایفای وظیفه ایتدیکی طور اقلردن خارج اولق اعتباریه علیهنده تعقیب اجراسی جائز اولامامسی فرضنک معافیت بحثده ده یا ککش و تهلکلی نتیجه لره ایصال ایتسی اعتباریه آرتق التزامی قابل اولمادیغنی ادعا ایدن معاصر حقوق شناسلرک فکرنی قبول ایتک لازمدر . فی الحقیقه موريس تراورسک دیدیکی کبی جزا قانونلری خارج از مملکت ارتکاب ایدیان بعض جرائمی ده جزالاندر مقدمه اولدیغندن

[۱] متعجب دیپلومات و حاکم لرمک بونی یا ککش تلفظ ایتدیگرنی بالذات ایشیتدیکم جهنمه یکدیگره وصل اولنه مامسنی تأمیناً بویله یازدم .

فرضی بر خارج - از مملکت لیک با الفعل خارج - از مملکت لیکدن نه ایچون دهافضاه نتایج حاصل ایلیمه بیلیمه جگنی ایضاح ایتک ممکن دکلدر . یا کلس بر فرضیه به مستند اولان بر امتیازک حدودنی تعیین ایده بیلیمک مسئله سی ده حل اولنه من .

بو فکری اک اول اورته به قویمش اولان غروچوسدر . فقط ده پانیه نک ایضاح ایتدیکی وجهله مؤلف مشارالیه بونی یا لیکز ایضاحی بر ماهیتده سرد ایتش ایدی . اخلافیدر که بوکا امتیاز و معافیتلرک عقلی مناسی ماهیتنی ویردیلر و آندن منطقی نتیجه لر استحصال ایلدیلر .

ریویه نک بیانیه کوره حقوق دول انستیتوسی ۱۸۹۵ قامبرج اجتماعنده بو معافیتلر حقنده قرارلر اتخاذنی مذاکره ایتدیکی وقت بر چوق ذوات بو تعیرک استعمال اولنسنه قارشى اعتراضده بولمشلردى اعتراضلر قبول ایدلدى وکله چیزلدى فقط برینه قونه جق برشى بولنه مادی و مناسب بر اصطلاح اولماسى و تعامل ايله تخصص و تأید ایتش بولنماسى اعتباريله مارتنسک تکلیفی اوزرینه تکرار قبولی قرارگیر اولدى . تعیرک بر اصطلاح اولارق استعمالی باشقه امتیاز و معافیتلرک حکمت مشروعیتنه مسند اولماسى ینه باشقه در . برنجی حالده استعمالی هر لسانده مانوس بر تعیر اولمق حسینله بو کونده بر چوق مؤلفلرجه و محکمه لرحه متروک دکلدر . نته کیم هاور محکمه سی جهان حربنده بلچیکا حکومتک بو شهرده یرله شمش اولسندن متولد وضعیته عائد بر قرارنده بو کله یی استعمال ایتش در . « بلچیکا حکومتی اعضاسنک هاورده متمکن بولندیغی مبانی خارج از مملکت فرضیه سی موجبجه فرانسده دکل بلچیقاده عد اولمق لازم کلیر . » فقط ایکنجی معناده استعمالی بحق رد ایدلک لازم کلیر .

معافیتک مسند نظریسی ، افاده ایدن بو مختلف برهانلر آراسنده بالخصه ایکنجی و برنجینک قوت و کفایتی محتاج بیان دکلدر .

مخالف نظریه . — امتیاز؛ ایلچیلره امنیت و حریت تأمین ایتک کر کدر جزادن مصونیت دکل . واصل حقسز تجاوزلره قارشى صیانت ایچون قبول ایدلش اولدیغندن حقه قارشى قونامامسى لازم کلیر . بونقطه نظرندن دوشونولورسه جزا معافیتک علیهنده دلائل سردنده قلم موفقیته اوینایابیلیر . علمده بو وادیده اداره قلمده تمیز ایتش اولانلر واردر . بونلر اره سنده بالخصه پاسقواله فیورده ، بیه تروئنه سپه رسون ، قارنازا آماری ، پینه یروفه رارا ، لوران کبی علمک مشهور سیالری واردر .

ایتالیانک معروف حقوق شناسی باسقواله فیوره به کوره ایاجیلرک امنیتنی واستقلالانی تأمین ایچون انلرک تجاوزلره قارشی حایه لرینی ضروری عد ایتک ممکندر لکن کندیلرینه جزا عدم مسئولیت بخش ایتکله ملی حاکمیک حائر اولماسی لازم کلن قضا حقوقه خلل ایرات ایدیلور و جمعیتک ونظام اجتماعیتک وعدالتک حقیقی منافعه مغایر برشی یاپیش اولور . دیپلوماسی مأمورلرینک وظیفه لرینی ایفا امرنده استقلال حقیقی مبدألره مستنددر ؛ فقط ایقاع ایده جککری جرملردن طولانی محلی محکمه لره تابع اولملری لازم کلیر . خارج از مملکت فرضیه حقوقیه سی حقیقه مخالف برشیدک ثبوتنه مدار اولاماز وفعللاً ارامزده یاشایان برکیمه یی ناموجود عدایتدیره مز . بوسیله مجرم ایاجی بی لاجل الحاکمه متبوعی اولان دولت ایسترایسه بوطالب رد اولنه بیلمک لازم کلیر .

ینه ایتالیا حقوق شناسلردن پیه تروئه پرسون حقوق جزا مبدألرینه کوره جرملرک ساده جزالاندیرلمسی کافی دکل جزانک عبرت مؤثره تشکیل ایلیه بیلمسی ، حاکمک ثبوت جرمه متعلق دلائلی جمع ونحقیقانی تکمیل ایده بیلمسی وای بر حکم ویره بیلمسی کبی سبیلرله ایقاع اولدقلری محللرده جزالاندیرلمسی مقتضی بولندیغنی ایلری سوربور و مملکت خارجنده ایقاع ایدیلن بعض جرائمک محاکمه سی وتجزیه سی صلاحیت قانونیه سی قارشیسنده خارج از مملکت فرضیه سنک نه صورتله التزام اولنه بیله جککنی سوربور . دیگر طرفدن سفیری دولت علیه تریب ایتدیکی فساددن طولانی محاکمه ایچون دوانته تسلیم ایتکانی فعللاً جزاسز براتقی دیمکدر دیور .

نیه پرسونه کوره علمک اساسلرینه ومعاصر مدنیته ک حالتنه اک او یغون طرز اجنبی مرخصلری طرفدن ارتکاب ایدیلن جرائم حقنده محلی محکمه لرک صلاحیتنی قبول ایدن نهجدر . برایاجی طرفدن ارتکاب ایدیلن جرملرک مأموریتی ایله مناسبته دار اولدینی ادعا ایدیه بیلمی ؟ حقوق دول ایچیلره مصونیت تأمین ایدر فقط بوامتیاز کندیسنی تجاوزلره قارشی صیانت ایچوندن یوقسه کندیسنک ارتکاب ایلیه بیله جکی جرملرده حقوق عمومیه دن کندیسنی استثنایچون دکل . مصونیت ایاجیلرک شخصی دکل وظیفه یی صیانت ایله ملیدر . بونکله برابر نیه پرسون ایچیلر حقنده عدلیه مأمورلرنجه افراد کبی معامله ایدلمسی قبول ایتبور .

دیپلوماسی امتیاز ومعافیتلرینی پک آجی برلسان ایله تنقید ایدن اصل باجبقالی مؤلف لوراند . لوران بونی فکر اخلاقی بی اختلال ایتدیرن برامتیاز عد ایدپور رایاجیلر ،

عائهلری ومعیترلی ایچون جزاسز قالمقلاک حقوق دول نامنه طلب ایدیه یلمسنی ، «القابلی مجرملره» امتیاز بخش ایدلمسی کيفتتک مدنی ملتلرک شمارندن اولایلمسنی قبول ایدیه میور . لورانک برانسان وبر حقوق شناس صفتیه وجدانی ماهیتی حقوقک اخلاندن عبارت اولان برحقه قارشی عصبان ایدیور . غروچیوسه کوره جزاسزلی مشروع کوسترن جهت ایلچیلرک امنیتک جزادن منبعث منفعته غالب بولنما مسیدر . لوران بوکا قارشی بحق صوریور : مجرملره صرف منفعت سائقه سیله می جزا وبرایور ؟ عدالت برحساب ومنفعت ایشیمیدر ؟ ایلچیلرک معافیتی ده ا زیاده برمنفعت مسئله می دکلیدر ؟ بولرک وظیفه لری امنیتله ایضا ایدیه یلملری ایلری سورولور ، عجا جمعیتک وجودی ده ایلچیلرک متفع اولدق لری امنیته تابعدر دینه جکمی ؟ بوتون ایلچیلرک لقا اولنسه ویا ایلچیلرک بوتون معافیتلری قالدیرسه مشوار عالم ده ا فنا اولمایاجق . حالبوکه عدالت بولنمایان یرده جمعیت ده اولاماز . بناءً علیه دیمک لازم کلیرکه عدالت ایلچیلرک منفعتنه غالبدر . جهانک بوتون امثالی عدالتک تذلیل ایدلمسنی مشروع کوستره من .

فلیمور وبتون مؤلفر بو عتابه قارشی باغریورلر : معافیتک جزاسزلقدن عبارت اولدیغنی سویله تمک ایسته میورلر . لوران معافیت جزاسزاق دیمک دکلسه بیله دائماً آنی متیج اولدیغنی جوانی ویریور . ایلچیلرک تمثیل ایتدکلری حکمدارلرینک امریله ارتکاب ایتدکلری جرملر وارددر . بو جرملرک جزاسنی ویرمک ایچون ایلچی اصل جزا کورمسی لازم اولان حکمداره کوندریله جکدر ! بوجدی برشی دکلدر . غروچیوس برایلچی قوه مسلحه استعمال ایدرسه دولتک آنی قوتله دفع ایدیه بیله جکمی سویله یور فقط بودشمنه قارشی برمدافعه در برمجری جزا ایدیه ایدن عدالت دکلدر .

لوران بر ایلچینک قتل سرقت وهتک عرض ایتسی حالنده نه یاپلادیغنی صوریور ! دولتک مداخله ایتسی ایچون اولای عمومی بر رذالت اولسی لازمدر ؛ اکر جنایت اخفا اولنه بیلیرسه آنی بیلمه منرلکه کلک لازمدر ؛ دکلسه سفیره چکلسمی تبلیغ اولنه جق وآنک یکانه حاکمی اولان متبوعندن عدالت اجرا ایتسی ایسته جکدر . بر جنایت ایله اخلاص ایدلمس اولان انتظام عامه یه ایسته حقوق دولک ویردیکی تعویض !

معافیت قاعده سنک اصلی ومبناسنی لوران شوصورتله یضاح ایدیور : مطلقات اداره وملوکه طایفه درجه سنده فرط تعظیم اصولی . منحصر آقر ل ایچینک حاکمیدر آنی جزالاندیرمق

صرف اوکا عائددر۔ اسکی ملوکی ادارہ لردہ ہو طوغری ایدی فقط مشروطی ادارہ لردہ آرتق
قرال عدالت اجرا ایدرمی؟ ایلیجیسی، محاکمہ اوکا ترتب ایلہرمی؟ ایلیجیلر امنیت عامہ سی
اخلال ایتدکری مملکت محکمہ لری طرفدن جزالاندر یلمیدرلر۔ رہ آل بونی اعتراف
ایدیور فقط عدالتی حقوق دولہ فدا ایدیور و «جائی جزالاندران قانون مدنی حقوقدندر
مدنی حقوقی اخلال ایتک خصوصی برجر مدر حقوق دولی اخلال ایتک عمومی برجنایتدر
بر حکمدارہ قارشی عالمشمول برجنایتدر» دیور لوران خایر دیور قرالارک سلطنتدن
متعال اولان برسلطنت وارددر بودہ جهان شمول بر عدالتدر۔ بوعدالت جنایتلرک اخفا
ایدلمی و بیلمہ من لکہ کلنمسی، ایستہ یمن، حکمدارلرک کیف وارزوسنہ تابع اولماز۔
بومخالف مدعا دہا معتدل برلسان ایلہ شوصورتلہ افادہ اولنہ بیلیر:

معاصر حیاتدہ الیوم مدنی مملکتلردہ اجانبہ قارشی عمومیتلہ کوستریان حرمت و ملی
محکمہ لرک تشکیلاتی وسفیرہ قارشی حقسز قرار اعطاسندہ اعمال نفوذ ایدہ میہ جک اولان
قوہ اجرائیہ قارشی استقلال و تاریخک قید ایتدیک انتقام و تجاوزلر اعتباریلہ و قتلہ
ضروری اولان بومعافیت امتیازی بی لزوم براقشدر۔ عدالت ایجاباتی ترجیح ایدلمک
لازمدر باخصوص بوجہت ایلیجیلرک منافعنہدہ ملایمدر محلی قضادن معافیت خلقلک کندیلریلہ
مناسبتلرنی بالضرورہ تحدید ایدیجیدر۔

نظری قیمتی قابل انکار اولماقلہ برابر بومطالعات علم ساحہ سندہ منفرد بر نقطہ نظر
اولق اوزرہ قالمش وہان بوتون دیگر مؤلفر بونک خلافتی التزام ایلہ مشلردر بناء علیہ
بلا تردد دیہ جکزکہ برایی مؤلف رأی خارج قالمق اوزرہ نظریات معافیت قضائیہ بی
بین الملل حقوقدہ قاعدہ اولہرق تثبیت ایلہ مشدر۔

معافیتک قانونی مسملری۔ — قضا معافیتی بین الملل مناسبتلری تنظیم ایچون قبول
ایدلمش اولق اعتباریلہ حقوق دول ساحہ سنہ متعلقدر۔ فقط محکمہ لرک بونلری نظر اعتبارہ
الایلملری ایچون بعض دولتلرک قانونلری بونلری ذکر ایتمکی ترجیح ایلہ مشدر۔

فرانسہدہ قونوانسیون ناسیونال ادارہ سنک فرانسز محکمہ لرینک مختلف قرارلریلہ تأیید
ایدلمش برقرارنامہ سی شو صراحتی حاویدر: «قونوانسیون متشکل ہر ہیئتہ اجنبی
حکومتلری ایلیجیلرینک شخصلرینہ قارشی ہر نہ صورتلہ اولورسہ اولسون تجاوزدہ بولنمفی

منع ایدر. انک علمینه سرد اولمه بیله جک مطالب بو خصوصاتده احقاق حقّه یکانه صلاحیتدار اولان سلامت عامه قومیته سنه تودیع اولنه جقدر .

مجلس مؤسسانده برقرارنده کندی ده قره لرله ایاجیلرک معافیتلرندن هیچ برینه خلل ایراث ایتمهش اولدیغنی تصریح ایدرک محلی قضادن معافیت مسئله سی قطعی صورتده تصدیق ایله مشدر .

قودس و یلک تنظیمی اثناسنده قرارنامه برینه قانونی بر ماده اقامه سی دوش و نولمش و شورای دولته ج قودسیویل لایحه سنه بویه بر ماده ادخالده ایدلمشدی : بویوک ایاجی، ایاجی، مرخص و سائر هر هانکی بر عنوان ایله ملتیرینک تمثیلی صفتنی حائر اولان اجنبیلر نه حقوقی موادده و نه جزائی موادده فرانسه محکمه لری حضورینه اصلا جلب ایدلمیه جکلردر. انلرک افراد عائله سی تشکیل ایدن و یامعیتلرنده اولانلر حقنده دخی عین صورتله معامله ایدیه جکلر» بوقانونک مجلسده مذاکره سی صرهنده ایلچیلره تعلق ایدن شیک حقوق دوله عائد اولوب انجق داخلی نهجه تعلق ایدن بر قانونده بونکله مشغول اولمقلغه اصلا محل بولمیدیغنه متدائر بیانات اوزرینه درکه بوماده قانون لایحه سندن چیقارلدی .

بونکله برابر مسئله صرف بر اصول مسئله سی دکلدی برنجی قونسولوس بوندن بر سنه اول یعنی ۱۸۰۱ ده « فرانسه ده بر جمهوریت اولمق اعتباریه دها قولالمقله فساد و ترتیبانده بولنان اجنبی ایلچیلرینه بوراده امتیاز ویرمکدن ایسه فرانسیز فیرلرینک اجنبی ممکتلرده هیچ امتیازلری المامه سی و بور حمرنی ویرمدکلری و یادولت علمهنده احرای فساد ایلدکلری تقدیرده توبف اولملری ترجیح ایدم . پارس خلقی کافی مرتبه آبدالد ذاتاً اون آدم دکرنده کوردیکی بریلچی نیک نظنده دها زیاده بویوتمه ملیدر دیگر ملتیر بوبابده بزه قبولی تکلیف ایدیلن یولده صریح ماده لر وضع ایتمه مشلردر . بونلردن بحث ایدلمه سی شایان ترجیحدر . ملتک اجنبیلر حقنده فضله اعتباری واردر . تکلیف ایدیلان شی نیم مدنی بر ملت ایچون لازم اولابیلیر . فقط ملایم و متمدن بر ملت ایچون بوی سوددر» دیمش ایدی . برنجی قونسولوس هرشیدن اول سربست و مستقل اولمق ایستیور ایدی . نته کیم بوندن طقوز سنه صوکر قدرت مطلقه سنک ده موقراتیک اصلرینی اونوتمه مستعد بر مستبد اولدیغنی زمان بومعافیاتی قالدیرمه تشبث ایتدی روسیه و اوستریا سفارتلرینه منسوب مختلف مأمورلر او وقت حربه نظر اتنده بعضی مأمورلری الده ایتمشلر و ناپولیونک پروژهرینی

بوصورتیہ اوکرہ نمشردی . اوزمان امتیاز لک برقرار نامہ ایہ لغوی موضوع بحث اولدی .
 بوبادہ راپور تحریریتہ مأمور ایدیلن مہرلن بالطبع ایلچیلرک حرکترلرندہ شایان تأسف
 مثالر بولوب یازمقدہ مشکلاتہ اوغرامادی . ایمپراطور ایچون بونلرہ کورہ قرار ویرمک
 طبعی برشیدی . فقط مقابل برلایحده مستبدک بوتون غرور لرینی اوقشامہ مساعد اینجہ
 برلسان ایہ مسئلہی تحلیل ایدن ہر تریو وضعیتی قورناردی . ہر تریو دیپلوماسی امتیاز
 ومعافیتلری اولمقسنرین بوتون بومناسباتک غیر ممکن اولاجفنی صراحتہ کوسترمش ایدی .
 بوکون فرانسدہ خارجیہ وکالتک سلاامت عامہ قومیتہ سی مقامہ قائم اولدینی سن
 محکمہ سنک ازجلہ ۱۹۰۶ تاریخلی برقرارندہ کوسترمشدر .

المانیادہ اصول محاکات جزائیہ قانوننک ۱۱ نجی مادہ سی موجبہ اجرائی محاکمہ
 دیپلوماسی مأمورلری حقندہ تعلیق اولنور . تشکیلات عدلیہ قانوننک ۱۸ نجی مادہ سندہ
 (فقرہ ۱۸ و ۱۹) دہا صراحت وارد : المانیایمپراطورلنی زدیئہ ترخیص ایدلمش اولان
 هیأت سفارت رئیس و اعضاسی المان محکمہ لرینک قضاسنہ تابع دکلدلرلر . احکام آنفہ
 سالف ذکر اشخاصک عائہ سی اعضاسنہ معیت رسمیلرینہ وکذلک خدمتترلرندہ بولنوب المان
 تابعیتدہ اولمایان بوتون اشخاصہ شاملدر .

اسکی اوستریا قانوننہ نظر آدہ اجنبی سفارتلر اعضاسی حقندہ حقوق دولہ کورہ معاملہ
 اولنوردی و بونلر مملکت مأمورلرینہ تابع دکلدی . فلنک قانونی وضع ابتدکی احکامی
 حقوق دولہ طائمش استثنالرہ تقید ایدن صراحتی حاویدر . اسوج قانونی دہ اجنبی دولتلر
 دیپلوماسی مأمورلرینہ قارشی عمومیتہ قبول ایدلمش تعامللرہ و بوبادہ کی بین الملل معاہدہ لہ
 کورہ معاملہ ایدلمسنی ناطقدہ روس چارلنی اصول محاکات جزائیہ قانونی بوبادہ مقامات
 عالیہ جہ سیاسی خبارتہ لزوم کوسترن برمادہ یی محتویدر . انکلتزہ دہ امریقادہ دہ صادرات
 مخصوصہ تشریعہ واردہ .

دری تعادل و عملی امثال . دولتلرک یکدیگریہ معاملہ لری جزائی قضا معافیت امتیازینہ
 ہان دائما مراعاتہ صورتندہ نجلی ایتمکدہ در . جرمنک ماہیتی ووخاتی نہ اولورسہ اولسون
 دیپلوماسی مأمورلر محلی محکمہ لک قضا حقندن دائما خارج طوتمشدر . عنعنہ بوخصوصہ
 قطعی برتعامل تأسیس ایتمشدر . بعض امثال نقل ایدہلم : برلایحده زدیئہ
 ۱۵۸۴ دہ انکلتزہ یہ اجنبی عسکر ادخال ایہ قرالیچہ الیزابتی خلع ایتمک ترنیشدہ

بولان اسپانیانك انكتره ده کی ایاجیسی ماندوزا علمنه برکونه تعقیباده بولنمادی. ایاجی
یالکز انكتره یی ترکه دعوت اولندی . ینه عین قرالیچه یی قتل ایچون سستاقورد ایله
برابر ترتیبات فسادیده بولان فرانسیز ایاجیسی اوبه سپین ، ۱۶۵۴ ده قره مول علمنده
یاسیلان ترتیباته مدخلدار اولان ومتبوعندن باشقه سنه حساب ویرمهکه مجبور اولماق له برابر
بالذات قره مول حضورنده خط حرکتی ایضاحه آماده بولندیغنی بیان ایله عدلی تحقیقاتی
رد ایله ین فرانسه ایلیچیسی حقنده ده عین صورته معامله اولندی .

کذلك فرانسه ده دوق دورله آنه قارشى متبوعنك امریله ترتیبات فسادیده بولان
اسپانیا سفیری دوق دوچه ملامارا تعقیب اولنما یارق حدوده اعزام اولندی وحکمدرینك
مظهر اقبال و احترامی اولدی .

اون سکزنجی عصرده ویانده پورتیکیز سفیری آلمانیا ایمراطورینك مابینجیلرندن
برینی اولدیردی. خاق سفارته هجوم ایله قاتلی جزالاندریمق ایسته دی. آوستریا مأمورلری
سفارتی محافظه آلتیه آلدیلر و ایاجی یی حدوده ایصال ایستدکن صوکر ا جزالاندریمسنى
حکومتندن طلب ایله دیلر .

وندیکده اسپانیانك بویوک ایاجیسی مارکیه ماور جمهوریت قارشى ترتیبات فسادیده
بولنمشنى . مجرملر اعدام اولندیلر آنلرک شریکی دکل ماده فسادک اصل محرکی اولان
ایاجی ایسه جزاسز قالدی. کندی اسپانیایه دعوت اولندی وبر قاج سنه صوکر ا قاردنیال ده
اولدی .

۱۷۱۷ ده انكتره ده اسوج سفیری ژبله نبورغ فساد ترتیندن طولانی توقیف
و اوراقی ضبط اولندی. ایلیچى حقوق دولك اخلاندن شکایت ایستدیکی کبی دیگر دولتلرک
ایلیچیلری ده پروتستوده بولندیلر . انكتره ایضاحات ویررهك صورت حرکتی مشروع
کوسترمک ایسته دی. اسپانیا سفیری نقطه نظری مدافعه یازدیجی جوابده شو شایان دقت
افاداده بولندی : « انكتره قرالی حضر تلرینك دولترلنده صاحی و اوروپاده آسایشی تأمین
ایچون بر ایلیچینك توقیفندن وحکمدرینك مقدس اماناتی عد ایدلک لازم کلن اوراقلک
ضبطندن غیری بر واسطه بولنه مامش اولمسی بک بد بختانه بر شی اولدیغنی نظر دقکزه
عرض ایتمکدن اجتناب ایلیه میه جگم. بواکی حادثه هر نه صورته درپیش ایدلک ایسته نیلیر
ایسه ایسته نیلسین بکا ، حقوق دولی بک درین صورتده اخلاص ایتمش کورونیر » بونکله
برابر ژبله نبورغ حقنده تعقیبات اجرا ایدلمدی و کندیسی حدوده سوق اولندی .

۱۷۱۸ ده هولاندانك پترسبورغ ایلچیسی بویوک پترو علینه هولاندایه بدخواهانه راپورلر کوندریکی روسیه تبعه سی ایله شهلی مناسبلرده بولندیجی جهته چارک امریه آنک عسکرلری طرفدن توقیف اولندی . ومناسیاتده بولندیجی روسلرک اسملرینی ویرمدکجه تخلیه ایدلیه جکئی سویله یین چارک اصراری قارشیشنده بعض اسملر سویلیه رک حدوده کوندرلدی .

۱۷۴۴ ده فرانسه نك روسیه ده کی سفیری شه تاردی هنوز ماذونیتدن عودت ایتدیکی صروده ایمپراطوریمچنك صادق تبعه سی و پاپاسلری اختلاله تشویق ایتمسندن طولای ایمپراطوریمچنك کندیسینی ایلچی صفیله طانیادیغنی و یاختنی بکرمی دوت ساعت ایچنده ترک ایتمی لازم کله جکئی کندیسینه تبلیغ ایتدیلر و محفوظاً حدوده کوندردیلر . بومشله ده پترسبورغ قاینه سی اوچ دلیلله استقاد ایدور ایدی : ۱ ایلجیلر تزدینه مأمور بولندقلری دولت ریئسی تربیف ایتک حقی حائز دکلدلر . ۲ - یاسی فرقلر احداثیله اشتغال ایلده میلدرلر . ۳ - کندی متبوعلرینه مزیفانه راپورلر کوندرمه میلدرلر .

انکلترونك دانیارقه ایلچیسی نلیو اولجه ایلچیلکله بولندیجی برلینه متشکراً کیده رک اوراده دیگر ربله علناً یاشایان زوجیه کی تزدنده کی کریمه سی قاچیردی و قوپنهاغه کلدی . روسیا حکومتی واقعیه مطاع اولدی فقط مداخله لزوم کورمادی . بالا آخره رقیبی ، کندی علینده محقرانه اشاعاده بولمسندن طولای نلیوئی دوللویه تحریک ایلهدی . طرفین روسیا طور اغنده وورشیدیلر . و نلیو تعقیب اولمادیجی کی برلینه کلدیکنده روسیا سراینده مراسمله ده قبول ایدلدی .

۱۸۴۸ ده مشهور حکایه نویس بولودر انکلترونك مادرید ایلچیسی ایدی . اوتاریخده هر طرفده اختلالر واقع اولدیجی کی اسپانیاده دخی بعض منفرد حرکترلر اولمش فقط حکومت بونلری باصدرمشدی . جریان ایدن تحقیقات بو حرکترلر افکاتر ایلچیسنك ده قاریشمش اولدیجی کوستردیکندن قرالیچه الیزابت ایلچینك وظیفه سنده قصور ایتدیکنه و حکومتک داخلی ایشلرینه قاریشدیغه بناء کندیسینه پسپورطلرینی ویرمش و آنکله مناسباتی قطع ایدره ک کندیسینی حدوده اعزام ایلش ایدی . بویوزدن انکلترونک ایله اسپانیا آراسنده مناسبات کسلدی و بوکیلمه ایکی سنه دوام ایتدی .

۱۸۷۱ ده روسیه نك واشینگتون سفیری قانا قازی آمریقانك داخلی ایشلرینه کراراً

مداخله سندن طولای آمریقانک مراجعتلری اوزرینه قالدیرلدی . بو شکایتده استعمال اولمان لسان چوق معینه داره: رئیس جمهور « استانبولده تطبیق معناد دیپلوماسی تعامللرینک واشینگتونه ادخال ایچون یاسیلان تشبثلری نظر لاقیدی ایله کوره میه جکینی » ده سویلش ایدی . [۱]

بوتون بو امثال دولیه دن چیقاریلا جق نتیجه شودر : ایاجیلرک دائمی صورته استخدا منه باشلانیدیلرین بری کندیلرندن صادر اولان و کیتدکجه آزالان جرائم چوق محدود ، وایکی اوچ عصر ایچنده برقاچ واقعه دن عبارتدر و یونلرک جمله سنده ایاجیلرک معافیت قضایه سنه مطاق صورته رعایت اولمشدر . پک اسکی زمانلرده بر ایکی توقیف واقعه سنه تصادف اولتمقده ایسه ده بوکون ایلیچیلرک امنیت دولت ایچون تهامکه لی بر وضعیت احداث ایتملری حالده دخی محفوظاً حدود خارجه چیقارلملرندن غیری برشی یاسیلامادیغنی مؤخر امثال تأیید ایتمشدر .

حاکم قرارلرینه دائر بر فکر ویرمک ایچون پارس محکمه سنک ۱۸۶۷ تاریخده عدم صلاحیت حقنده ویردیکی قرارایله حاکم مارشالک حکمنک اسباب موجب لرینی ذکر ایله اکتفا ایله جکم : « اجنبی بر حکومت دیپلوماسی مأمورلرینک ترخیص ایدلرکری مملکت محکمه لرینک حق قضاسنه عدم متابعتلری حقوق دوله بر قاعده متحققه اولسنه و دیپلوماسی مأمورلرینک ، شخصاری و ماللری اعتبارایله کندیلرینه حرکته سربستی نام ویرمه ی و واسطه اولدقلری بین المالی مناسباتی اشکال ایدن تعقیباته معروض اولملرینه ایکی ملنک متقابل منفعتلرندن طولای مساعده ایتمه لری اعتبارایله بو قاعده نک طبیعت اشیایه مستند بولمنسه و فرانسه ده بوقاعده نک اجنبی مامورلری علیه ده کی مطالباتک دیپلوماسی طریقله تبیین و تعقیب ایدلمسینی ناطق اولان انقلابک ایکنجی سنه سی تاریخی قرارنامه ایله خاصه تصدیق ایدلمش اولسنه مبنی »

کذلک مارشال تاریخی حکمنده دیوره : دولت لک کامل مساواتی و مطلق استقلالی و یونلری یکدیگرایله مناسبتیه سوق ایدن مشترک منفعتلر هرملنک اوصافدن اولان مطاق و انحصارکار حق قضانک اجرا سندن هر دولتک قسماً و یا تماماً فارغ اولمش عد اوانه بیله جکی بر طاقم احوال تولید ایتمشدر . بو احوال دن بری دولت رئیسنک اجنبی

مملکتہ ہر گونا گویا در دست و توقیفیدن مستحقا طو تسلیمیدر . برنجیستک مستند اولدینی عین
سیدہ مستند ولان بر ایکنجی حال دیوون مدنی ملترک اجی ایاجیلرہ بخش ایتدیکی معافیتدر .
بورعمر صدمصبت بالحد جرائم ایجرنمیدر ؟ بعض مؤلفلر بر صورت تفیق قبول
ایتمک ایتدیورلر : وظیفہ ایجابیلہ ارتکاب ایدلمش اولان جرائم ، بوماہیتی حائر و لمیان
جرائم و معافیتی برنجی قسمہ تخصیص ایتمک مطالعہسنہ تمایل کوستریورلر . بویلہ بر تفریق
عیدر . معافیت ہر درلو جرائم ایچون مطلق اولارق قبول ایدلمک لازمدر . دیپلوماسی
مأمورلرک وظیفہ سی ایجابیلہ و آلدینی امرہ سناء می یوقسہ کندیلکندمی جرم ارتکاب
ایتمش اولدینی قضیہ سی مذہب اولدینی دواتجہ کندیسنہ قارشی تعین ایدیله جک جزا
ویا معاملہ نک تعینندہ مؤثر اولابیلر . محلی محکمہ لر بویلہ بر تفریقہ عطف اہمیت ایدیله مز .
بویلہ بر تفریق قبول ایتمک ایچینک ہر درلو تعقیبانہ معروض اولابیلمسنی ترویج ایتمک ،
دولتک معاملاتنی تدقیقہ محکمہ نی حاکم قلمقدرد .

دیگر بر تفریقہ شورہ ؛ امنیت دولتی علاقہ دار قیلان جرائم ، بویلہ اولیان جرائم .
برنجی تقدیردہ بعضیلرینہ کورہ دولت موجودیتی موضوع بحث اولقی مناسبیلہ آرتق
ایاجی امتیازینہ مراعات ایدیله مز بوفکرده قبول ایدیله مز . ایاجینک معافیتی ہر درلو جرائمہ
مطلق اولارق شامل اولقی لازم کلیر . مارتنس قاعدہ نی بو مرکزده تثبیت ایلہ برابر
تطبیقاندہ افراد علیہ اولان جرملر ایلہ دولت علیہ اولانلر بیتندہ فرق کوزہ تلدیکنی
ایکنجیلرده دخی ایاجینک محلی محکمہ لرجہ تعقیب ایدیله میہ جکنی فقط برنجیدہ تمامیلہ
الی باغلی اولان حکومتک ایکنجیسنہ آز چوق شدید زجری واسطہ لہ کندینی
مدافعہ ایلہ بیلہ جکنی - ویلیور . روس سیاسی دائما بوندن ملہمدر . سیاسی جرملرده محلی
مأمورینک اتخاذ ایدہ بیلہ جکلر نی مارتنسک قبول ایتدیکی زجری و احتیاطی تدبیرلرک
ماہیتی نہدر ؛ یوقاریدہ بحثی کچن اسپانیا سفیری چہ للامارنک فرانسدہ توقیف واوراقتک
ضبط ایدلیدیکنی واورادہ کی ایاجیلر ہیئتک مداخلہ سی طلب اولمنسہ رغماً ایاجیلردن ہیچ
برینک بوبادہ فرانسیہ قارشی بر اعتراضدہ بولنامش اولدینی نقل ایدن مارتنس بوندن
ایاجیلر ہیئتک جرمک ماہیتی اعتباریلہ فرانسدہ پایلان معاملہ نک ضرورتی و حرکتک
مشروعیتنی تسلیم ایتدیکی معناسی چیقاریور ، امنیتی تہدیدہ دوچار اولان دولت محافظہ
نفس امرندہ ہر درلو تدبیر اتخاذینہ صلاحیتداردر . فقط بوتدایرک - اسپانیا سفیرینک

انکلتره حکومتیه یازدینی کی- توقیفندن واوراقلک ضبطندن عبارت اولسی قبول ایدیه مزه شو حالده بوجرملرده دخی ایلچی توقیف وحا که اولنه ماز ، یا لکز حدود خارجه چیقاریلیر علی العاده جرائمده ایسه بوکا محل اولیوب دولته شکایت وکبری چاغریلسی طلب اولنور . مه ری نی افک دیدیکی کی [۱] ایلچیلر و سفارت مأمورلری جریمده فاعل هم فعل ویا فرعاً ذیم دخل بولسونلر کندیلرینه اسناد اولان جریمک ماهیتی جنایت جنحه ویا قباحه اولسون و بوجرائم دیلر افراده قارشی دیلر دولتک امنیتیه و اعتباریه قارشی ارتکاب ایدلسین فرانسز قانون جزاسی تطبیق اولنه ماز .

بین الدول مسائلده رأیی دایما مستمهادتن اولان حقوق دول انستیتوسی ۱۸۹۵ قامریج اجتماعده دیپلوماسی امتیازلرینه دائر قبول ایتدیکی نظامنامه ک ۱۶ نجی ماده سنده بو فکری قبول ایتشدر . ماده شودر : « قضائی معافیت ، انتظام عامه ایچون ویا امنیت عامه ایچون تهلسکلی جرائم حالده ویا خود امنیت دولتی اخلال ایدیجی جنایات وقوعده دخی ، ملکی حکومتک کندیسنه عائد اولان محافظه کارانه تدبیرلری اتخاذ ایتک صلاحیتنه خلل کلمه مکز اوز ، جاری اولاجقدر [۲] »

معافیت قاعده سنک نتیجه لری . دیپلوماسی مأمورلرینک محلی قانون جزانک تعداد ایتدیکی جرمملرک جمله سندن معافیتی اساسندن اوچ نتیجه استنباط اولنه بیلیر :

۱ دیپلوماسی مأمورلر حقنده هر درلو تعقیبات قابل دکلدر . عادی بر جزای تقدی ایله محکومیتی استلزام ایدن احوالده دخی بوکا مساع یوقدر .

۲ دیپلوماسی مأمورلری بر فاعل جریمک حرکشدن حقوقاً دخی مسئول طوتولا ماز .

۳ دیپلوماسی مأموری خود بخود محکمه ده دیگری علیه دعوا اقامه ایلیمز .

برنجی مسئله ده نظر دفته آلمسی لازم کلن جهت شودر :

جرم یا لکزدیپلوماسی مأموری اولدینی تقدیرده آنک علیه ده تعقیبات اجرا اولنه مامسی تحقیقاته دخی شاملیدر ؟ قالو متضرر اولان اشخاصک دیپلوماسی مأمورینک منسوب اولدینی دولته قارشی مراجعات و مدعیاتی توثیق ایده بیلیمسی ایچون مأمورین محلیه ک تحقیقاته دوام ایده بیلیمسی فکرنده بولنیور و مجرمک منسوب اولدینی دولت منافع سیاسیه سنی

[۱] حقوق عامه دول جلد ۲ صفحه ۲۷۶

[۲] انستیتو بیللی جلد ۱۴ صفحه ۲۰۳

اخلال ايده چك ماهيته اولماق شرطيله مأمورين محليه نك بوبايده هر نوع معاملاتى
ايضا ايده بيلمسى احكام عموميه اقتضاسندن اولديغى ادعا ايلدور [۱] موزيس تراورس
حقوقاً، حكم ايتك صلاحيتدن محروم اولان محكمه لرك بو مناسبتله اسقنايه صورتيله
بر حواله مستنا اولمق اوزره - تحقيقانده دخی بولنه ميه جغى، تحقيقانك حكم حقنك
موقع تطبيقه وضعندن عبارت بولنديغى درميان ايدبور .

اوجنچى نتيجه ده مختلف فكر لر وارد :

۱ دپلوماسى مأمورى محلى محكمه لره هيچ جزا دعواسى اقامه ايده مز و شكايته نامه
توديع ايليه مز. چونكه محاكم جزائيه مدعى و يامشتكى صقيله مراجعت عليه لر نده دعوای
مقابله و افتراء دعواسى اقامه سنه ممانعت قابل اولمايه جغى جهته محكوميته منجر اولاييلير .
۲ دپلوماسى مأمورلرى محلى محكمه لره مراجعت ايليه بيلير لر بر امتياز، آندن استفاده
ايدنلر ايچون محذور ماهيته قونيلا ماز .

۳ منسوب اولدقلى دولتك مساعده سنى اثبات ايتك شرطيله دپلوماسى مأمورلرى
محاكم محليه جزائيه مراجعت ايليه بيلير لر .

۴ دپلوماسى مأمورلرى ايچون بومساعده حسب الوظيفه يابدقلى معاملات ته تعلق
ايدن خصوصانده لازمدر . بوماهيتده اولميانلرده خود بخود مراجعت قبول ايدلميدر .

برنجى رأى دپلوماسى مأمورينه ادعاى حقوق ايده بيلمك امكانى تماميله قاپاديني
جهته قبول ايديله مز باخصوص مأمورك مملكتنده محاكمه سنه مساغ قانونى بولماديغى
احوالده - اجنبى مملكتنده اجنبى تبعه سندن برنجى اولديرن مثلاً بر مأمور مزك حالى بودر -
موقع ته منته قالمى ايسته مه مى حانده بوكا چاره ساز اولمق قابل دكلدر . ايكنجى رأى
امتيازك حكمت وضعى ايله ناقابل أليف اولديغى كې دردنجى فكرده عموميتله رد ايديلان
بر تفرقه استاد ايتك اعتباريله شايد قبول اولماز .

درت رأى آراسنده راجح و محكمه لرك قرارلريله مؤيد اولانى، قبول مراجعتى دولتك
صرخ مساعده سنه وابسته طوتاييدر . فى الحقيقه امتياز دپلوماسى مأمورلرينك شخصه
منافع ذاتيلرى اعتباريله بخش ايدلمش دكل بين الملل مناسباتك سلامتى اعتباريله ملتته راجع

اولی اوزره موضوع بر انتظام عمومی قاعده سی اولدیغندن شخصك آندن صرف نظر ایدم بیامسی حکمت وضعنه منافیدر . حتی معیت مأمورلری حقنده ایلیچینك بواقیازدن فراغی محاکمه کافی کورلمسی التزام ایدن مورس ترادرسك فیکری ده تعامل دولی ایله تطابق ایتیمور . ۱۹۰۶ ده بروکسلده کی شبلی مصلحتیکذارینك اوغلی وادینقون سفارت کاتبلرندن بالماسه دانی قتل ایتمشدی . مصلحتیکذار اوغلانك محلی محکمه ده محاکمه اولایلیمسی ایچون حائر اولدی بی دیپلوماسی معافیتدن فراغت ایتدیکنی بیلدیرمش اولماسنه رغماً باچیکا حکومتی شبلی حکومتك موافقتی طلب ایتدی و آنجق بوموافقتدن سوکرادرکه محلی برابان محکمه سنده محاکمه اولنه رق برائت قازاندی . ایلیچینك افراد عالمه سی حقنده بیله امتیازدن فراغتی قبول ایدلمدکن سوکرا معیت مأمورلری حقنده هیچ قبول اولنه ماز و منطقاً ده بویه اولسی لازم کلیر .

شوحالده دیپلوماسی مأموری دعواسی ویا اشتکاسی محکمه جه نظر دفته آنه بیلیمک ایچون حکومتك مساعدنه سی محکمه یه اثبات ایتک مجبوریتنده در . بونک خلافتده محکمه دعوائی رأساً رد ایله مأموردر . محکمه یه مراجعت ایدمه مکدن مأمور متضرر اولیه جقمی ؟ یاپیلاجق شی شودر : ایلیچی خارجییه وکالته دیپلوماسی طریقله اشعار کیفیت ایدر . خارجییه وکالتی ده عدلیه وکالته مراجعت ایدر و ممکن اولان تعقیبان اجرا ایتدیرر . بوصورتله دیپلوماسی مأمورینی دعوا خارجنده طومقله برابر آکا لازم کلن حایه بی ده تأمین ایتک اعتباریله ده فائده لیدر .

شوقدرکه معافیت جزاسزلق دیمک اولمادیغنی جهته علینده اقامتکاهی محکمه سنده - مساع قانونی حالده - اقامه دعوا اولنه بیله حکمی معافیت هر درلو قوانین محلیه و انضباطیه عدم متابعتده دیمک دکلدر . بالعکس دیپلوماسی مأمورلری مثلاً صحیه یه ، تنویراته ، یالغینلره ، صیده و عمومیتله محلی منافع عائد قانونلره و بالخاصه بولیس قوانین و نظاماتنه مثلاً ایاب و ذهابه ، بر محلدن مرورک ، بعض محللر جوارنده بولمقلغک ممنوعیتنه متعلق اولوب امنیت عامه ایچون موضوع تحدیداته اتباع ایتک مجبوریتنده در . بونلره متابعت ایلیچیلری قبولک طادنا شرطی دیمکدر . واقعا بو متابعتک بر مؤیده سی یوقدر . عدم مراعاة حالده ایلیچی بوقوانین و نظاماتک جزالینه تابع طوتیلاماز . لکن حکومتلرینه مراجعت و شکایت اولنور . و مستعجل و مبهم احوالده منفعت عامه ایله حقنده کورلمسی

لازم کلن رعایتہ تقدم اینک لازم کلر [۱] بو تقدیرده ممنوعیتہ و بریلن طرز دوستانه ایله و آکا رعایتہ ابتدیمرک امرنده کوسریله جک نزاکت ایله دیپلوماسی احترامات ینه تأمین اولتور . امنیت و اسایشه متعلق پولیس قانون و نظاملریخی اخلاص ایتمه مک بروطفه اولدیقدن بونلره متابعت ایتمه ین مأمور کندیسی او امتیازدن استفاده ایدمه مک موقعه قویتمش عد اوله بیلیر . بناء علیه مثلا سفارتخانه داخلنده آوجیلغه و سلاح انداختنه بر مأمورک باشلامسی و بونک چوار خلقلک حیاتی تهدید ایتمسی کذلک آشیری آتش یا قیلاق جواره سرایت احتمالنک بولنسی کبی حاللرده پولیس بالذات و حرکاتی منع ایدر . بوکبی خصوصانده پولیسک نیم رسمی بر تبلیغی همان دائما کافیدر . چونکه هیچ بر ایلمچینک انضباط مأمورلریله مجادله کیره بیلنسی مقصور دکلد . لکن بویله بر احتمال حدوشنده برادیه فودره ره کوره پولیس عاجل تهلکه بی رفع وازله ایچون تداییر مادیه یه توسل ایدر . واقعا بو تداییر مادیه یه مراجعت کیفیتی مؤلفلرجه متفق عایه دکلد . اکثر مؤلفلر دولته مراجعتی توصیه ایدرلر . حقوق دول انستیتوسنک بالاده بحثی کچن ۱۶ نجی ماده ایله ایکنجی رأیی قبول ایندیکنه حکم اوله بیلیر . حالبوکه عاجل تهلکه حالنده نه یایمق لازم کله جکدر . نظامنامه بوبابده صامتدر . وقتیله ایلمچیلر آراسنده تقدم مسئله لری حل ایدلمه مش ایکن اک چوق اهمیت و بریلن بر شیدی . لوندرده کی فرانسر و اسپانیا ایلمچیلری اسوج ایلمچینک کیریش مراسمنده تقدم داعیه لریخی تأمین ایچون مسلح بر چوق اشخاص جمع ایندکلیخی حکومت اوکره تنجه بوتون سفارتلره آلایه آراهه لریخی کوندرمه لریخی رجا ایندی . اگر امثال ایتمه لردی نه اولاجق ایدی ؛ البته مداخله ایدیه جکدی . ایلمچیلره امتیاز حضور و استقلال ایله وظیفه لریخی ایفا ایدیه بیلملری ، بوبابده هیچ بر صورتله راحتلی و امنیتلی اخلاص اوله مامسی ایچون ویرلمشدر . یوقسه عالمک حضور و راحتلی اخلاص ایچون دکل [۲]

معافینک ماهیتی قضا معافیتی حائز اولان کیمسه لک مجرمیتی حالنده محکمه لر رأسمی عدم صلاحیت بیان اینتیلدرلر ؟ اعتراض وقوعیمی لازمدر ؟ و اعتراضک ابتداء می بیانی

[۱] برادیه فودره دیپلوماسی حقوقی درس لری جلد ۲ ، ۱۱۳

[۲] اون دردنجی لوی بو امره مراعاتندن طولابی سفیرینی تخطئه ایتش و آنجا کندیسندن امر آلایه جکلی خاطرلانه رق محلی حکومتجه مانعت حالنده چکامسی لازم کله جکلی بیلدیرمش ایدیه ده بو خصوصلرده ایلمچینک محلی اصوللره متابعتی اصل اولتی لازم کلیر .

مقتضیدر؟ ثانیاً مجرمک دیپلوماسی امتیازی حائز اولمیان معین و شریکری بولندی
تقدیرده بونلر حقندہ تعقیبات اجرا اولمیه جقمیدر؟ حکام بو مسألهده اتخاذ ایلیه جکری
قرارلر ایله بین الملل اختلافلر تولید ایلیه بیلہ جکری کبی علم عالمده مخالف اصول امثال
وجوده کتیرمک صورتیلہ حیثیت ملیه بی ده جریحه دار ایلیه بیلہ جکرندن متبصر طاوور اتمق
مجبوریتندہ درلر .

دیپلوماسی معافیتلرینک صلاحیت ویا وظیفه صورتندہ درمیان ایدلمسی لازم کله جکنه
دکل حتی نظر دفته آلمسی وجوبنه دائر بیلہ قانونلر مزده قید یوقدر . کذلک صراحت
مخصوصه اولمیان بعض مملکتلرده اولدینی کبی عمومیتله مسلم حقوق دول قواعدینک
حقوق داخلیه من اقسامندن بولندیغنه و بو اعتبارله نظر دفته آلمسی لزومنه دائرده احکام
مخصوصه من یوقدر . حق قضانک زمان مکان و بعض خصوصاتک استثناسیلہ تقید و تخصص
ایتمسی احکام عمومیه من ایجابندن اولدیغندن بو امتیازدن مستفید اولانلرک محکمه لر مرک
حق قضاسی خارجنده اولدیغنه بر طرفدن دولتکده اشتراک ایتدیکی تعامل بین الملل قاعده
حقوقیه سی ایله دیگر طرفدن مخادنت هاهده لر یله دولتک بو قاعده بی نصآده قبول ایله مسی
ایله حکم ایتک ایجاب ایدر . بو حکم اکثر مؤلفلرک مسئله بی انتظام عمومی نقطه نظرندن
درمیان ایتسنه نظراً رأساً اولمق لازم کلیر و بناءً علیه وظیفه اعتبار یله عدم صلاحیته تعلق
ایدر کبی کورینیر . مع هذا بر قسم مؤلفلر ددرآردنک صرف حقوق دوله عائد بر مسئله نک
اصول محاکمه عادیه قواعدینه کوره حل ایدلمسندن صاقمنی توصیه ایدن و فرانسه محکمه
تمیز مجدهده نظر اعتباره آلمش اولان فکرینه استناداً مسئله بی صورت عمومیه ده تبیین ایله
اکتفا ایدیورلر . موریس تراورس وظیفه نقطه نظرندن عدم صلاحیت مسئله سنی بحق
تعلیل ایدیور ! دیپلوماسی امتیاز و معافیتی حائز بر مأمور حکومتک مساعدده سی ایله
دعوائی قبول ایدہ بیلہ جکسندن بو کبی احواله عدم وظیفه فکرینک تطبیقی صادق اولماز .
بو مؤلف شو سبیلہ بر صلاحیت مسئله سی موضوع بحث اولمادیغنی دیپلوماسی مأمورینک
حکومتک مساعدده سیله حضور محکمه ده مدعی ویا مدعی علیه صفیتله دعوی اقامه و دفع
ایدہ بیلہ جکنی و بو مساعدده اولمادیغنی احوالده دعوا ایچون اهلیتده قصور بولندیغنی و شو
حاله اهلیتی افساد ایدن قواعدک بوکا تطبیقی ایجاب ایتدیکنی التزام ایدیور . مادام که مسئله
اهلیته تعلق ایدیور محکمه رأساً ویا دیگر طرفک اعتراضه بناءً مساعدده نک فقدان حالتده
دعوائی رد ایدر .

مجرمک همفعل و معینتری اولدینی تقدیرده ایسه قضا معافی قعلک جریمتی ازاله
ایتمدیکی کی قاعلك مجرمیتده ازاله ایتیموب صرف بین المال مناسبات ملاحظه سیله او
مناسبتہ واسطه اولانلرک شخصی اوراده محاکمه اولنه بیلمکدن استثناء ایتیمکده اولدیغندن بو
استثناءک دیپلوماسی صنفده بولمیانلره تشمیلی ایچون بالطبع هیچ بر سبب متصور دکلدن
وبو سیله عادی مجرملرک تعقیبی امور طبیعیہ دندر. یالکیز تحقیقات جریمده علاقه دار اولان
دیپلوماسی مأمورینه ده تعلق ایتدیلمز وانک حقدنہ اسباب سقوطیه بناء لزوم محاکمه
قراری ویرلمز. بو عمومی مطالعاتدن صوکر اصل مسئله یه طوغرو کایورز. قضا معافیتندن
استفاده ایدن مأمورلر کیملردر ؟
حقوق دول مدرسی

محمد جمیل

